



Universitätsbibliothek Paderborn

Examen Theologiæ Moralis

**Moure, Antonio Fernandes de
Coloniæ Agrippinæ**

Reverendissimo In Christo, Doctissimo Clarissimoq. Viro ac Domino, D. Ottoni Gereon De Gvtmannis, Ex Sobernheim, Archiepiscopo Cyrenensi, SS. Theologiæ Doctori, ...

urn:nbn:de:hbz:466:1-40934

REVERENDISSIMO IN CHRISTO,
DOCTISSIMO CLARISSIMO Q.
Viro ac Domino,

D. OTTONI GEREON
DE GUTMANNIS, EX
Sobornheim,

ARCHIEPISCOPO CYRENENSI;
SS. Theologiae Doctori,

SERENISSIMI AC REVERENDISSIMI
Archiepiscopi Coloniensis, S. Romani Imperij Principis Ele-
ctoris, Bauariae, VWestphaliae, & Angaria Ductis, & Sedis
Apostolica Legati nati &c. Consiliario, ac per Civitatem &
Dioecesin Colonensem in Pontificalibus Vicario Generalis, Me-
tropolitana & Archidiaconalium Collegiarum B. M. V. ad
Gradus Colonensis, & S. Martini Embricensis Ecclesiarum;
respectiu Preposito, Decano, & Presbytero Canonico Ca-
pitulari, Archidiacono Ultraiectensi, Tremonen-
& Hammonensi: D. meo Glemen-
tissimo, &c.

GOn hominum tantum, sed libro-
rum quoque esse velut quosdam
genios, v̄sus docet & experientia. Id
ego in hoc ipso libro experior: qui
à me quartum iam excusus, & Re-
uer. V. nomini inscriptus, obuijs quasi vlnis &
auidissimis SS. Theologiæ studiosorum, atque e-
tiam Doctorum manibus hactenus fuit exceptus.
Spero autem eo nomine V. R. vel tandem fo-
re gratiorem, quod publica iam quasi omnium

EPISTOLA

censura sit approbatus; certe non paucis ob id ipsum gratum fuisse non dubito, quod R. V. cui dicatus a me est, atque iterum dicatur, nomen præscriptum gerat. Et sane cui potius inscribere debuerim, aut adhuc debeam, caussam reperio nullam. Si professionem spectem; Theologus es; eiusque sumimus Mystes: si dignitatem, pro Serenissimo Principe Archiepiscopo & Electore Pontificalia administras: si eruditionem; paucos habes qui tecum comparari possint: si pietatem, vix inueniet Momus ipse quod reprehendere possit. Ut cæteras virtutes Tuas taceam, Liberalitatem, Modestiam, Humanitatem: tum illas quibus tam ciuilis quam Spiritualis Respublica administratur, Iustitiam, Prudentiam, Fortitudinem, Temperantiam: plane ut Clerus a Te creatus, in Te uno satis exempli habeat quod imitetur.

Quantopere verò doctrina quæ libello hoc traditur sit utilis ac necessaria, omnes sciunt. Vbi enim, quæso, ullus inueniatur animarum Pastor aut Curio, ut vulgo vocant, cui non casus eiusmodi, præfens remedium postulantes, aliquando, immò saepenumero offerantur? In quibus tanto cautius est procedendum quanto periculosius in utramque partem erratur. Nimis nec remissè nimis procedendum, ut veniae facilitas peccandi licentiam; nec nimis strictè, ut rigor desperationem pariat. Et Deum immortalem, quot & quam præstantium Theologorum, immò cuius non in hoc desudauit labor? In manibus passim omnium versantur si non nimis, saltim satis multæ

DEDICATORIA.

Etis multi ea de re scripti libri & libelli. Sed ad
præsentem redeo.

Qui quum tam feliciter exierit, vt quod suprà
dicere cepi, mihi recudēdus eslet: iterum ille ipse
ad R. V. patrocinium confugiendum sibi duxit,
humiliter petens, vt ne eo indignum se iudices,
sed lucis Tuæ gratiam, ad propinquos & remotos
abituro, impertias. Mihi quidem gratius nihil
fieri poslet, quam si gratum tibi hoc quidquid
est, esse intelligam. Vale Reuerendissime in
Christo Pater ac Domine, & nobis ac toti Ec-
clesiæ diu perenna. Coloniæ Agrippinæ, prid. Cal.
Apr. 1628.

R. V. D.

Addictissimus

Petrus Henningius, Bibliopola
& ciuis Coloniensis.

* 3

ILLV.